

Ponouè fer toudis braire ? Nos n'astons ol dan terre Pon nos d'haucht Evè tout au contraire Waltonnes dè uos distraire, Rions toudis!







Nos almons à fer rire Sans pou ca lèvi dire Bes méchancetés Nos n' vourons jamais scrire Des conyonnades trop pires, Ni des « sáletés ».



ENNE MASTOQUE EL NUMERO.

Nos r'cèvrons avè plaisi les histwères et les coulonnades qu'on voura bi nos invoi.

2° Année. Dimanche 7 Novempe 1897. N° 34

Les lettes dévont less involées à l'imprimeur

dè l' gazette, rue dè Brusselles, nº 12.

ABONNEMINTS: 3 FRANCS PAR AN.

Pou les annonces on n'a qu'à v'ni nos trouver, nos nos arindg'rons l' mèieux possipe

BRIC-BROC.

Enfin nos vlà tranquies! Vlà l' fiesse qui a tout l' même seu fini. Dè v' da co ieunne oute djusqu'au mwès d' mai l'année qui vit.

C'est ni qu'on s' de plaint, mais à l' fi ça chenne co bi long.

Et pourtant nos d'allons rtchère dins n' saison qui est dià trisse les autes années et qui l' sara co pus c' coup-ci.

Vlà l'esposition oute, vlà l' ducasse oute, vlà les bals oute, vlà les liards oute, nos vlà tout près tout oute.

Eyu d'aller pa les longuès swèrées? Què fer pou passer leu temps? Allez vos amuser n' miette au cabaret ? Bah witte.

On a des ruges dè iesse à quatte, n'impourte èyu et quand on esst à saquantes, i d'a bî seur el mitant d' loupeaux d' dins.

Co pir despûs quéques années avè tous les djeux d' cârtes pou des prix.

C'est ca qu'a coumminchi à foute el pesse dins l' bazar. Despûs, ça va toudis d' pire in pire.

Breyonnes in petit coup, i d'ira mieux.

 $\times \times \times$

A propos d' djeux d' cârtes, dè m' rappelle què l'Artia djuoûtales prix l'année passée dins in cabaret et qu'on avoût convenu d' maindgì l' lapin doulà tout-de-suite après.

On s' met à tâbe et ça chenne boûn à tout l' monde ; mais n'a-t-i ni l' feumme qui vît dire què l' lapin va v'nu; què çu qu'on v'noût d' maindgi c'astoût du tchat.

Quand même qu'il l'avoût avalé comme in bouffon, in intindant ça, l'Artia a tout rindu.

 $\times \times \times$

Ravachol avoût pourté n' commission à n' servante qui d'meure dins n' grande maison à Brusselles dimanche passé.

C'est in domestique qui vit li drouvi. Quand il a ïeu fait s' commission (djė vůx dire quand il a ïeu r'mîs s' paquet) i dit in français au domestique :

- Diable, il sent bon ici, ne dirait-on pas qu'on cuit du remplumu.

El domestique s'a foutu d' li ; ça li z'apperdra à parler français.

Qués Minteurs!

Bawy stoût voïc à Paris avè ses coumarades. Velza arrivés au pîd dè l' tour Eisfel.

Tout l' même, disst-i Bawy, ravissez em pan quélle hauteur!

- Waïe ça, respond in aute qui n' ratchoût ni pou minti, éyè dire què d' vwès n' mouche lauvau tout à l' conpette.

Bawy, viant à qui-ce qu'il avoût à ser dit :

- Et dire què d' vwês qu'elle est borgne!.. Eyè vous, l' viiz, dmande-t-i à in twésième qui n'avoût co ri dit.

Non, respond-t-i t' aussi rade, dè nè l' vwès nî, seulemint djè l'intind marchi.

MUGUET.

Rèponse dè Bribeux.

L' sémaine passée in gros sinci s' pourménoût dins les tchamps quand tout d'in coup i rincoute in homme bi bati qui li d'mande elle charité.

Commint n'astez ni honteux de briber, plein d' fource comme vos astez?

- Pacequè d' n'ai poûn d' mestì.

Volez fer l' commissionnaire, djè vos donnerai n' tchèrette et in baudet ?

- Ça m' va, respond l'aute.

Quinche dioùs après ylà mon homme qui arriffe dins l' cour dè l' since ave l' tchèrette évè l' baudet in dsant qui n' voloùt pus fer l' commissionnaire.

 Bon, respond l' sinci, volez travaïi pour mi, d' vos donnerai in franc d'mi par djoù?

 Et vous, respond l'aute t'aussi rade, volez daller briber pour 'mi, vos arez deux francs par djoù? MUGUET.

Consolation.

Deux boûns ouvris du costé d' Bournivau vivinneut inchenne comme deux frères.

Après leu djournée is dallinent bwère enne pinte tout in djuant n' pârte à càrtes et is d'allinnent couchi pus contints qu' deux rwès.

Pourtant despùs quèque temps Tor avoût r'marqui qu' Djoseuph (vos ai-dju dit qui s'appellinnent Tor et Djoseuph?) astoùt pus ombradgeux et qu' souvint i trouvoùt enne escusse ou l'aute pou filer à l'anglaisse.

In djoù i dmande enne esplication à Djoseuph.

Eh bi, respond l'aute, vià lonmint qu' djaroùs du vos l' dire, de sus scran de l' vie que nos main-

nons: quand nos rintrons, i n'a jamais d' cafeu tchaud, jamais d' soupe, jamais d' boun stotchet fumiant, si nos avons in trau a no marronne, i faut lè rqueude nous autes mêmes. Enfin Tor dè sontche à m' marier.

- Et vos n'arez ni tourt ; elle vie n'sarout ni pus laide pour nous.

Comme fut dit fut fait. Djoseuf s'a marié et is vivinnent ieusses twès comme des bienheurenx quand in an après vlà l' feume qui roublie de r'prinde esse n'haleine.

Velza tous les deux aux cints coups. Tor surtout astout si bi d'bauchi qui breïout comme in via.

Djoseuf l' viant si d'baucht, d'a pitié et li dit tout doucemint pou l' consoler :

— N' braïiz ni, Tor, ça n' fait ri, djè mè t'marierai. Muguer.

PROMI AMOUR

Louisa n'astoût ni l' pus belle, C'est vrai qu'il a mieux. Mais l' Printemps Vènoût d'inflammer m' pouve cervelle. Quand d' l'ai r'marqui, n'astoût pus temps.

Elle n'avoût ni l'air trop mèchante : On ousout li dire es' passion. Maugré ça dj'avoûs l' vwèx tremblante Quand d'al risqui d' fer m' confession.

On nè l' l'aroût ni dit futée Pou intourtit ses galants Surtout què s' vwex vraimint flutée Donnout n' saquet d'attindrichant.

Dj'ai ouseu li touchi ses lèpes Quand même elle l'avoût desfindu. Ça chenne toudis mieux çu qu'on rèpe Surtout quand ça vos est rindu

Les mèieusses amours ont l' durée D'in feu d' païe.... In aute l'a gangni. A c't' heure què m' peine esst avouée. Dè n' sondge pus què m' cœur a sagni.

M. A. BRUXEL.

Recette pou rcèvwer branmint des dgins à boûn martchi.

Vlà l' fiesse oute, les pères, et i d'a saquantes qui out v'nu s' plainde au Losse des liards què ça leu-z-a cousté. C'est surtout quand on a des dgins, d'sont-is qu' ça vos cousse les ys hours dè l' tiesse.

Ascoutez, les bravès dgins : El Losse mettroût volti s' bourse à scouvienne s'il avoût n' saquet d'dins, mais comme elle est platte comme enne fique, vos n' sariz ni foûrt cras avè ça, què du conDonc qu'après avwèr bi sondgi dj'ai trouvé in moît de rcèvwèr enne masse des dgins sans despiuser in cron dgigot. Djè vos donne lè r'cette pou çu qu'elle vaut, vos n'avez qu'à l'asprouver l'année qui vit: quand tous vos invités sont vius, vos les mainnez d'in cabaret à l'aute in euchant sogne de les leit paït sans avwèr l'air dè l' vir et au moumint d' sourti vos d'allez à vo poche comme pou paït. On vos respond naturéllemint qu' tont esst in réque, vos faites l'in colère et quand vos avez attrapé enne heure vos les reonduigts à vo maiso.

Là, vo feunme qui a frotté ses ys avè in ougnon vos rattind in s' dèlamintant :

— Vos u' savez ni l' nouvelle! Tant qu' dj'avous l' marmite au bouïon à l'terre pou mette du tcherbon dins l' feu n' vlà-ti ni qué l' rosse dè tchi a l'vé s' patte dessus! Nos vlà propes! Nos n'avons pus qu' no stotchet d' chou avè des patates!....

Pou fer d' l'honnête les invités respondront qu'is s' contintront avè ça et à quatre heures comme leu vinte coumminchera à plaqui à leu dos avè in r'pas d'ainsi, is pârlèront d' raller. Surtout n' craqui ni l' pau d' leu casaque in volant les rastèni pacequé l' tour saroùt manqui. D'ainsi vos arcz co du bonion et in boun cras bouli pou tout l' long dè l' sèmaine.

Au Tribunâl.

Il a quéque temps, in cinsi dè Genappe dèvoût passer l'Tribunàl pou avwer tué in bia tehi que s' maisse erclamoût n' masse dè liards.

Ça li z'avont arrivé sans trop l' fer insprès. I stout venu in samedi au martchi d' Nivelles et sans l'avwer vu, in tchi li saute à s' djambe et li fait in grand scard à s' maronne.

Dè colère, il attrappe elle promière affaire qui li tché dins s' main, c'astout djustèmint n' fourtche qui stout à l'étalage du trottwère Sémal et i tue net el tchi.

- Mais pouqué fer l' tuer, disst-i l' juche, vos n'aviz qu'à taper avé l'aute débout dè l' fourtche il aroût pèté voïe tout l' même.
- Dèqué, Monsieur l' juche, est-ce qu'i m'avoût agni avè s' n'aute dèbout, li?

Au Théate.

In borain avoût sté nommé chef-porion el djoù Sainte Bàrbe djustèmint (i n' faut d'mander qué guintche). Il arriffe tout calé au bureau d' location du thèate dè Mons. Il avoût fait rattinde à l'huche esse feumme, esse fie éyè ses deux garçons.

— Est-ce què djè n' pourrous ni avwèr des places pou t-t'à-l'heure, mainzelle?

- Oh! que si, diss-t-elle elle buralisse.

— I m' fauroùt comme qui diroût des places us qu'on pourroût s'acliir tout à s' n'aiche, là, quand on d'meure à fond toute esse vie, tout ploït in deux, à mindgi des poussières de tcherbon, on pût bt s'estinde à s' n'aiche douçi avé s' famie.

— S\u00fcrement, s\u00e4rement. Voulez-vous que je vous donne un fauteuil d'orchestre?

— In fautenil? Eh! laide tchappe! In fautenil! Eh losse de feumme du Diale.

- S'il vous plait?

— Bè pou mette em' feumme, em' fie éyè mes deux gamins, hasard qui faurout toudis bi seur in canapé. Ropieur.

Histwère dè Tchî.

In djoù in professeur du collétche avoùt ieu in si bia tchi, tout p'tit, tout p'tit, éyè si djoli qu'i dè l'soùt vraimint du cas.

Mais l' pire c'est qu'i n' savoût ni l'apprinte à dèv'ni prope. Sitoùt què l' huche du salon s' trouvoût n' miette drouvierte, crac, i s' despétchoût à d'aller lèyi tchére enne pètite saquet qu'il avoût toudis sogne d'arroser pen qu' ça n' sèrsétche ni trop râde. El tapis astoùt arrindgi!

Es' professeur-là avoût intindu dire qu'i n' avoût rt d' mèieux pou les corridgi què d' leu mette leu mouzon d'dins. Ça fait qu' chaque coup qu'i s'apercevout d'in p'itt paté, i perdoùt Mirza pa l' pia du dos et i li bourout s' nez d'sus

Après twès quatte sèmaines dè c' traitement-là, i s' dit qu'i va assprouver si l' ermède est boûn.

C'est pou vos dire qu'on est bi malin pou apprinde les dgins qu'on n' l'est nì assez pou apprinde les biesses.

El promi coup què l' tchi vwet co l' huche du salon drouvierte, i n'a rì d' pus pressé què d'daller mette dè l'odeur su l' tapis et comme es' maisse qui l' wétout n'approchoùt ni, il a pourmèné li-même es' mouzon d'dins!

Рітсне.

TRAIRÉE.

(Air connu.)

El courdant Baribosse, A s' vix coumarade Henri, In parlant d' ses ouvris rosses, Tont brèiant, s' plaindoût d'ainsi :

REFRAIN.

C'est des canaïes, frère Henri, I n' sondgeont qu'à m' fer de l' peine . C'est des canaïes, frère Henri ; I n' sondgeont qu'à m' fer mort.

II

in lum'çon qu'on t'noût dins t'ouate, N'astoût ni là bi lodgi; ls m' l'ont foutu dins m' salàte Et d' cwès bi l'avwèr maindgi.

Au Rèfrain.

In bia djoù d' plaque à m' ferniesse In bia grand carré d' papi ; In loupeau vit passer s' tiesse, In d'unandant quél' heure est-i.

Ш

Au Refrain.

Is ont machuré m'n' inseigne Iusqu'i stoùt mî « Cordonnier » ; Djê n' sais ni pus lire quê n' grêgne, L' ont marqui « Marchand d' sorets ».

IV

Au Rèfrain

C'est comme avé m' bwesse à chique Que d' léiont trainer quéqfwés ; ts m'ont fait avwèr l' collque, In m' léiant machi d' l'àrpwès.

Au Rèfrain.

Et c'est l' même avè m' pènée, Djè n' sais c' qu'is ont fait avè ; C'est tout comme dè l' chicorée, Dj' ernifèle tout pur café.

. Au Réfrain. Cu. Meil.

Les ciens qui volont l' musique dé c' trairée-ci n'ont qu'à l' dèmander au Tor ; i leu l' chuffèlera « à l'œit » tant qu'is l' saront.

Elle Tireuse dè Cârtes.

Loïsse. — Combt m' démandriz, hon, Cadie, pou n' dire em' planette sans minti?

CADIE. — Sans minti, vos païerez in franc.

Loïsse. — Ténè, lè v'là d'avance. Comminchiz pau temps passé: après vos m' direz l' temps à v'ni.

Cadie. — C'est facile, vos avez ïeu du chagrin in mainnâtche.

Loïsse. — C' n'est ni possipe : djè n'ai jamais sté mariée.

Cadle. — Adon, vos avez ïeu branmint des coumarades qui vos ont trompé.

Loisse. — C'est vous qui s' trompe, pacquè mes commarades sont clair-sèmés, bi cliwèsis et i n' d'a jamais ïun qui m'a abandonné, ni pus dins l' malheur què dins l' bounheur.

CADIE. — Vos avez raison, djé m' trompe putette, djè cwèïons pourtant avwèr lu n' saquet dins l'as dè cœnr... Ah! d'j' y sús à c't' heure: Vos avez fait dins l' temps des longs vwéiātches.

Loisse. — Mi! djè n'ai jamais sté pus lon qu'au Saint-Sang à Bolosac, à cause què m' siœur sagnoût toudis pau nez.

Capie. — Allons! Allons! Donniz-m' vo main. Ah! c' coup-ci djè vwès: vos avez gangni in lot dernièremint à n' loterie ou à n' tombola.

Loïsse. — Mi? Çà n'est ni possipe, djè n'ai jamais mis à l' loterie et djè n' mettrai jamais.

CADIE. — Djè vwes à c't' heure su l' ligne in dsous du pouce gauche què vos avez pierdu n' saquet i n'a ni longmint.

Loïsse. — Ah! coup-ci, vos astez, pacque dj'ai pierdu t' à l'heure el franc que d'vos ai d'né pou m' dire em' planette sans mints.

K. VENAILLE.

Du Canari.

L' derni coup qu' les Fanfares ont sté à Ostende, i d'a ïun qui stoût voïe avè iensses qui d'a sté djuer n' belle dins ïun des pus grands hôtels.

Avant tout djè dwès vos dire què c'esst in vert dè gris et qu'i s' plait t'aussi bi in pension au faubourg dè Mons qu'à s' maiso.

I coummande in boun dainner et dins l' place qu'i maindgeoùt il avout in bia canari qui tchantoùt comme in vrai rossignol.

L' Nivellwés d'mande au garçon, qui l' perdout pou in Anglais, si l' canari astoùt à vinde.

— Djê n' cwès ni, disst-i l' garçon, l' patron d'a djà r'fusé deux cints francs hier à ïun d' vos païs, mais si vos volez, djè m' vas appèler l' patron.

 Oï, disst-i l' canaïe au patron, djè vàx maindgi du canari.

L' patron arrife et cwèiant à n' risée d'Anglais, li respond què l' canari n' diroût ni dius l' casserole moins d' twès cints francs.

Faites-lè cure, respond l' Nivellwès.

In quart d'heure après, on appourtoût l' pouve biesse su in plat d'àrdgint, éyè l' canaïe li dit :

— Ah! il a l'air bi rosti.... donniz-m' d'in pou in d'mi franc!!!

A comprinte.

On a raison d' dire què les djounes hommes, avant l'mariàtche, promettont toudis branmint pus d' burre què d' pain à leu coummère.

C'esst ainsi qu' Djoseuph disout toudis à s' coum-

— Chère pètit cœur du bon Dieu, in coup mariés échenne, vos n'arez ni pus d'ouvrâtche qu'enne pouïe.

lelle, cwèïant n'avwèr ri à fait avance les affaires mais in coup mariès, Djoseuph li z'appoûrte in pourchat a sougni, des lapins à alever et co des autes pètitès bèsognes.

— Mais, disst-elle à s'n' homme, vos m'avez trompe, vos m'avez dit què dj' n'arous ni pus d' bèsogne qu'enne pouïe.

— Djustèmint, disst-i Djoseuph, c'est vous qui s' trompe... est-ce qu'enne pouïe n'est ni oblidgée d'escavener toute elle djournée pour ielle trouver s' maindgi?

Requiescat in Pace.

El grand père dè m' grand père m' racontoût qué quand i stoût djoune il avoût dins l' villatche deux vieïès dgins qui d'après c' qu'on dsoût, avinnent convenu qué l' cien qui mourroût l' proml rattindroût l'aute avant d' rintrer dins l' paradis.

Zire qu'on appelout Ré tout court vit à mori. Comme c'astout dit, i dmeure dins l' salle d'attente avant d' rintrer au Paradis.

Quinche djoùs après, s' feumme qu'on nommoût Cantine pacequ'elle avoût tnu cabaret tout près des atèliers à bucht à l'huche du Paradis.

St-Pierre qui fsout in p'tit somme crie:

- -- Ré! qui est-ce?
- Cantine !
- Passez ! disst-i l' braffe saint.

C'est despùs c' timps là qu'aux interremints on tchante toudis : Requiescat in pace.

Dictionnaire du Losse.

Platine. — Métal précieux qui serve à cur les pains et les târtes et qu'on a à leu dguou.

Vent. - Agitation d' l'air padière nous.

Pou. — Conjonction qui nos donne scau à l'tiesse,

Puce. — Siœur du précédent usqu'on tire dè l'iau.

Vinte. — Çu qu' les notaires faisont et qu'on a pa d'vant leu dos.

Rue. — Place qu'on circule et què l' tchèfau fait quéqufwès.

Rate. - Tchèmin d' sier qu'on maintche souvint l' vendredi pou dainner.

Nom. — L' contraire dè waïe qui sert à nos appèler.

Seine. — Place usquè les acteurs djuont au théatte et qui passe à Paris.

Canada. — Païs d'Amérique qu'on maintche tous les djoûs au dainner.

Canne. — Ville de France qu'on s'aspore dessus quand on marche.

M. A. BRUXEL ET MUGUET.

Djean l' Malin.

Biloutte va sounner jeudi passe à l' maiso de s' coumarade Dodore au moumint qui d' allout s' mette à tâbe pou dainner.

Comme c'esst n'est ni l' promi coup qu' cà li z' arrife, qu'on diroùt même qui l' fer par insprès pou li mette es' vinte su fourme, Dodor dit à Djean l' Malin s' domestique dè n' nt drouvi si c'est Biloutte.

Djean l' malin r'waite pa l'espion, r'counnait Biloutte à s' maronne et à ses solés éyè r'toûrne à s' cugine sans drouvi.

El lendemain Biloutte ervit co sounner, mais c' coup-ci dins l' courant d' l'après-dainner. Djean l' Malin sans r'waiti pa l'espion, va drouvi l' huche éyè d'meure là tout stoumaqui in viant l' cousse.

- Et bi! disst-i Biloutte, i n'avoût persoûne douci hier?

— Non, Monsieur, qui li respond Djean l' Malin, tout l' monde astoùt voïe pou toute elle djournée.

— Djè m' d'ai aperçu. Dj'ai v'nu sounner invièt onze heures du matin et dj'ai ieu l'huche dè bos.

— Bah witte! disst-i Djean, i stoùt bi pus d'onze heures. Monsieur d'alloût s' mette à tâbe. Djè sûs seur qu'il approchoût dè douze heures et d'mi.

ROPIEUR.

FEUÏETON DU LOSSE, DU 7 NOVEMPE 1897

SAINT LUNDI

L'ouvri fait s' lundi. C'est l'habitute. C'est dins l' sang. I travaïera l' dimanche djusqu'à toutes les heures, putoût què d' ni avwèr à li, s' quart dè djoû l' lundi. I faut même què l'ouvrâtche presse bi fourt pou l' fer r'mette à l' bèsogne l'après dainner. Quand quatre heures sounnont, crac : El courdani ersatche es'n' aline pou n' ni fer in point d' pus, el taïeur rintasse es'n' aiguie su l' plote, el mènusier erpind s' soïette, el peinte a rintré despuis longtimps s' pot à l' couleur, el blanchisseu tourpine comme in sot à l'intour du saïa éyè l'ardwèsier fait l' chennance dè ramounner l' tchènau in intindant les quatre heures qui tchèiont.

D'ailleurs, ça saroùt sans avance et l'ouvrâtche que l'ouvri froût après quatre heures enn' vauroût ni l'ieau qu'on cût les iœufs. Elle flemme desquind dins ses veines, éyè l' fer travaïi l' lundi, c'est quasimint comme si vos vouri r'tirer in mwenne d'enne abbave.

SAQUANTS ABLAÏES.

Sourdia. — L' sinci: Bondjou, Djauques.

L' fauqueu. - Oï, djè fauque.

L' sincl. - Djè n' pâle n' d' ça, mi !

L' fauqueu. — Djè n' saroùs fauqui pus bas! L' sinci. — Quand dj' vos pale d'enne soûrte vos

comperdez d' l'aute!

L' fauqueu. — Si djè n' fauque ni pour vous,

djè fauqu'rai pou in aute!

L' sinct. — V'là n' réponse verte!

L' fauqueu. - Eh bi, m... étoùt! Et i s'in va.

XXX

Batisse ervènoût dè s' bésogne in djoù d' quingeaine et passe outte d'in cabaret usqu'i d'voût saquants potées.

— Hè là, Batisse, disst-i l' cabartt, l' quingeaine est tcheute, savè!

— Eh bi, respond Batisse, si l' quingeaine est tcheute, vos n'avez qu'à l' ramasser et nos comptrons quitte.

 $\times\!\!\times\!\!\times$

L' Grand Zeph s'habie pou d'aller au théâte.

S' coummère, in rintrant, vwèt qu' les solés dè s' galant n' sont ni bias :

- Commint, vos mettez vos vix solés!

- Bi, i faut bi, disst-i l'aute, mes nieufs sont st'usés.

 $\times\!\!\times\!\!\times$

Au moumint d' fer naufràche, in djoune saudart maindgeoùt tranquiemint in boquet d' pain dins l' coin du batia.

L' capitaine s'arrête dévant li et dit :

- Commint, vos avez co l' cœur dè maindgi!

— Bi, oï, capitaine, disst-i l' saudart, au moumint d' bwère in boûn coup c'est pus sain d' maindgi in p'tit boquet.

 $\times \times \times$

In saudart s' présinte au guichet d' l'estation.

— In coupon pou Brusselles s. v. p.?

- Qué classe ? démande l'employé.

- 4895, respond l' saudard.

CHARADE

Madame Malbrough est montée à l' coupette de m'promi Pou vir si de l'guerre s'n' homme n'ervenoût ni.

Après avwèr dainner, branmint des dgins F'sont m' dérni ; ça n' dure qu'in p'tit moumint.

M' tont esst eure cwèx couchée tournant

M' tont esst enne cwèx couchée tourn

D'sus in piquet planté au mitant

Des pièsintes ou des teh'mins

Pon n' laicht passer qu' les dgins.

 $\times\!\!\times\!\!\times$

Prime : in abonnemint d'in an au Losse qui sara tirée au sort intrè tous les ciens qu' aront respondu djusse.

Et adon, djè n' sais n' pou què, mais il a toudis in p'tit pau d' soleïe qui s' pourmène dins les maisos d'ouvris : Il a des liards dins l' mainnatche, elle maiso esst in orde avè du blanc sabe bi spàrdu d'sus les carreaux, l' feumme est d' bounne humeur éyè les mouchons tehantont au pus fourt, comme si pourieusses étout, c'astoût l' St-Lundi.

Quand l'ouvri a r'ciné, il allune enne bounne crasse pupe, donne à maindgi à ses canaris, waite voler ses pidgeond, djue avè ses essants et boute enne dèmi-heure dins s' djardin.

Après i s'erlave à grandès ieaux au d'seur dè l' cuvelle. Ses solés sont lustrès, esse tchémise, co prope dè l' veïe est stindue d'sus l' bos d' lit. I s'habïe et le v'là pàrti.

I s' leïe vive tout à la douce. I va vir djuer à l' balle, pourmèner dins les prés Rase. I d'a qui vont s'achir au parc et d'z' autes qui n' vont nulle part. Chacun à leu goût!

A neuf heures, dige au pus tard, l'ouvri rinte à s' maiso. I sait bi qui dwèt s' trouver au posse tout timpe el lendemain. Il a bû n' pinte dè pus qu'à l'habitute éyè l' fumée dè toubac li z'a inchaussé s' tiesse. I s'esplique, i s'anime, i s' desbrouïe avè deux twès coumarades d'atèlier, ses vigins, qui

ÉTAT-CIVIL

NAISSANCE. - Joseph-Gustave-Maria-Gh. Perniaux.

DECES. — Félicie-Marie-Anne-Françoise-Gh. Dept. 81 ans, proprétaire, veuve de Edouard-Léopold-Joseph de Hennin, décédée faub. de Bruselles, chiteau de la Potte. — Alexandrine-Joseph-Gh. Herent, 68 ans, sans profession, célibataire, décédée boul. de la Batterie. — Mélanie-Antoinette-Gh. Edouard. 48 ons, ménagére, épouse de Léopold Gh. Lebon, décédée place de l'Esplanade. — Louise-Gh. Denne, 75 ans, sans profession, veuve de Léon Loison, décédée houl. de la Batterie

i enfant au-dessous de 7 ans.

L' réponse dè l' dernière charade est : COTELETTE.

 $\times \times \times$

C'est l' nº 4 qu'a gangní l' prime; i put vnu l' erclamer au bureau dè l' gazette.

 $\times \times \times$

Ont respondu djusse :

Lodelinsart. — 1. Le petit Via et son grand compagnon en voyage pour faire la conquête de certaines demoiselles.

Baulers. — 2. Réponse au nº 6: Eb là! Tout doux n' miette

Baulers. — 2. Réponse au nº 6 : Eb là ! Tout doux n' miette hein ; n' vos avez ni trompé pou scrire, vous ? in 'faut n' vos mette dins l' tiesse qué l' grand d' Baulé a sté rinhallé, sant l'un d' pour de l'accionne de la blance de la difference de la difference

Ittre. — Pou qu' Louisse cache dè t'nu s' galant; c'est djà l' twèsième qui li scap'roût.

Braine-l'Alleud. — 4. Le petit blond qui voudrait se faire aimer.

Nivelles. — 5. Les camarades du tu (bis), le tu (bis) lui-mème, trouvent étrange que le Losse consente à faire ligurer son sobriquet dans ses colonnes à l'exclusion de tout autre (le jockey seul excepté). — 6. La maman de Georges demandant qu'on ne l'appelle plus par son spot, nous prions nos correspondants d'en prendre honne note. — 7. Alfred, l'corsettère s' liche de vous, flèlène est triste et da vous aime Fernand, Louise vous adore Gonzalès, Oscar perdez bi attintion à Marie.

Waterloo. — 8. Et adon, Maria, est-c' què l' mariàtche avance, i m' chenne què vo galant vos serre bien fourt. — 9. Léon n'oublicz pas d'allez voir la grande dimanche, savezvous, la commission Z... sera prête.

 $\times \times \times$

AVIS. — Nos prév'nons co in coup les involeux d'réponses que nos n' mettons ni les ciennes qui sont trop méchantes.

Cours de Danse

les Dimanches de 6 à 8 heures, par abonnement de dix leçons à 0.50 centimes.

JULES DEWAMME,

professeur diplômé.

N. B. — De nouveaux élèves ne seront plus admis après le 21 courant.

· Doubles ·

tous les Dimanches et Lundis (Vendredis sur commande) chez Henri LANNEAU, rue de Bruxelles.

r'vènont avè li. I pâle téllemint qu'il esst oblidgl d'rallumer s' pupe à tous les moumints pacequè l'conversation tché toudis su des scènes d'atèlier su l'socialisse, su les injustices qu'il a dins les concours dè pinchons.

Quand il est raisonnape et qu'il a même enne dêmi pronne, elle feumme fait l' chennance dè ri éyè l' rattind avè s' souper. Eyè l' lendemain, l'ouvri r'coumminche esse sèmaine djusqu'au samedi sans pierde in quart dè djoù.

Bi n' intindu djè vos pâle dè l'ouvri nivelwès, coradgeux, qui a du boùn sins et d' l'amour prope qui sait bwère enne pinte à l'occasion, mais qui n' met presquè jamais s' nez dins l'pwèson qu'on appelle gènéfe.

Djè leïe dè costé l' soulée, qu'on vwèt balanci dins les rues, mau r'lavé, desgoubit, qui fait s' luudi presquè tous les djoùs, pindant què l' misére est tondis pindue à s' tchèminée. Ça c' n'est pus in ouvri, c'esst in pourchat stampé.

ROPIEUR.

Nivelles, typogr. Lanneau & Despret, rue de Braxelles, 12.

← Atelier Spécial d'Horlogerie →

LOUIS PATERNOTTE

GRAND'PLACE, NIVELLES

Si vous voulez avoir vos Montres, Pendules et Réveils bien réparés, bien réglés et à bon marché, adressez-vous à Louis PATERNOTTE, horloger diplômé, ancien élève de l'Ecole d'Horlogerie de Bruxclles.

AU BON MARCHÉ

Lamb^t Schiffelers-Plisnier

ANCIENNE MAISON PLISNIER-PONCELET Grand'Place, 17, Nivelles

CONFECTIONS POUR HOMMES ET ENFANTS

pour Robes, Mérinos, Tolles, Etc., Etc DEUIL COMPLET EN 10 HEURES

Maison de Confiance. Prix Fixe

Toques EN FOURRURES

TEINTURE & FRISURE DES PLUMES

FABRIQUE DE FLEURS, BOUQUETS (Fètes et Noces)

> Genres CORBEILLES ET COURONNES

MORTUAIRES

SPÉCIALITÉ DE DEUIL TRAVAIL SOIGNÉ A BES PRIX DÉFIANT TOUTE CONCURRENCE

& FLEURS ARTIFICIELLES

Maison de Confiance -:- Bon Marché

RUE DES BOUCHERS, 3. NIVELLES

L. Saintes

dit « du Berdgî »

E. VASSE

4. RUE DE BRUXELLES, 4

NIVELLES

Spécialité de Beurre Frais de la Campine

PAIN, FARINE, SON ET MAÏS

de toute première qualité

informe sa nombreuse clientèle qu'il continue comme par le passé son

commerce de levure

Rue du Béguinage, 6, à Nivelles.

PATERNOTTE

GRAND'PLACE, NIVELLES

Expositions et Concours : Décorations, Diplômes d'Honneur et Médailles d'Or

LOCATION DE PERRUQUES POUR BALS & SOIRÉES

LOCATION & VENTE
DE PERREQUES - BARBES - FAVORIS - GROGNARDS ET MOUSTACHES POUR THÉATRE.

Coupe de Cheveux, barbes & colffures. Postiches en tous genres

La Maison se charge de grimer. TRAVAII. SOIGNÉ. - PRIX MODÉRÉS

AUX ARMES DE NIVELLES

Vve L. Crispin

TABACS ET CIGARES

Spécialité de Cigarettes. — Grand choix de Pipes, Porte-Cigares, Porte-Cigarettes et accessoires pour fumeurs. Spécialité de la Maison : Cigares Santora à 5 c. et Cigares Margarita à 10 c.

Rolles de toute première qualité.

Maria Simon TULLE ET LINON CHAPEAUX

A LOUER

Magnifique ATELIER

BOULEVARD DE LA DODAINE

A NIVELLES

avec environ 15 bonnes machines à bois

pouvant servir à la menuiscrie et à la

fabrication de formes pour chaussures

S'adresser pour renseignements chez M. Aimé LATINIES, fabricant de for-

DE PAILLE & FEUTRE FLEURS & PLUMES

RUBANS

SOIERIES, VELOURS

TULLES

DENTELLES

BLONDES ET CRÈPES FORMES EN

DE PARIS ARTICLES DE JAIS ET DE FANTAISIE

et galoches.

mes à Genappe.

EXPOSITION

LES PLUS SOLIDES

LES MOINS CHERS

+ + + Parapluies!!

SE TROUVENT CHEZ

Andrieux

Réparations en 5 minutes

RUE DES BRASSEURS, 25, NIVELLES

FARO, LAMBIC, MUNICH,

D'ENFANTS

DURILLONS

M"° VANDERMEULEN 10, Rue Neuve à Nivelles

se charge de faire disparaître complètement les cors-aux-pieds et durillons sans aucune douleur.

Se rend à domicile.

Prix modérés

DOUBLES

A partir du 31 Octobre, on recommencera à faire des DOUBLES au

Café des Canonniers.

D'UN MAGNIFIQUE CHOIX ARTICLES

MISE EN VENTE

CHAPELLERIE DE LUXE

Rue de Bruxelles, 1

Près du Palais de Justice

Café de la

loncorde

BOCK, VINS, LIQUEURS

×××× BILLARD TOULET ××××

PRÈS DU PALAIS DE JUSTICE *

GRANDE

ANCIENNE MAISON DUPUIS

CHARCUTERIE

GROS & DÉTAIL

GRAND'PLACE, 13, NIVELLES

MODERNE

On trouvera toujours à la Grande Charcuterie Moderne des marchandises de première qualité, telles que : Lard frais et fumé, Boudins de Liége et Français, Boudins blancs et noirs.

Saucissons de Paris, de Westphalie, de Gotha, de Salmis, de Boulogne, de Lyon, de foie, de jambon, Cervelas, Pâtés de volaille, de lièvre, de gibier et de foie, Veau truffé d'Italie, Hure de sanglier, Pâté de foie gras, Langue fumée, Saindoux.

Choucroute et Saucissons de Francfort et de Hollande, Bœuf fumé, Andouillettes, Filet d'Anvers, Tête de veau à la vinaigrette et en tortue, Galantine truffée, Mortadelle, Tête pressée.

Croquettes de volaille, Langue de mouton à la gelée, Crépinettes, Pieds de porcs truffés et pannés, Jambonneaux de Reims et de Paris, Aspics en tous genres.

Viande de Porc fraiche tous les jours. Œufs frais. Pistolets au Jambon.

GUERISON DES MALADIES

de la Gorge, des Bronches et des Poumons PAR LES CAPSULES BALSAMIQUES TORDEUR

₩ Influenza

Asthme

业 **Bronchite**

* **Phtisie** 业

DÉPOTS

Nivelles, A. Toussaint Braine-l'Alld, Vandercum

Tubize, L. Clouet Ecaussines,

E. Fontaine Martin Soignies, Paternotte

Perwez, Nihoul

Le Rœulx, Plusquin Bascoup-Chapelle. A. Linard

Etienne (Ph. Escoufflaire)

An lieu d'employer une quantité de pastilles plus ou moins inoffensives, mais de peu de vertus médicinales, prenez les capsules Balsamiques TORDEUR, composées de médicaments sérieux, parfaitement dosés et d'une efficacité incontestable.

Ces capsules constituent le remède le plus énergique connu. Seul, il est rationnel et basé sur les dernières données de la science. Les substances qui le composent sont hautement recommandées par les célébrités médicales.

Les capsules Balsamiques Tordeur modifient la composition des crachats, arrêtent l'expectoration et contrairement aux autres préparations stimulent l'appétit. Elles agissent également sur les bronches comme antiseptique et empêchent, par suite, l'accroissement de la maladie. Les toux les plus rebelles sont calmées en très peu de temps.

Les guérisons obtenues sont prouvées par des attestations nombreuses, principalement dans les Bronchites, rhumes, toux négligées, toux sèches, toux suffocantes toux nerveuses, asthme, enrouement, influenza, affections pulmonaires.

Une seule hoite suflit toujours pour les affections ordinaires. Les personnes gravement atteintes devront suivre le traitement plus longtemps.

Exiger sur chaque boite la bande de garantie portant la signature de A. TORDEUR, Pharmacien, à Brainele-Comte.

Tout médicament anologue doit être refusé et réputé contre-

Prix: Fr. 1.50 la botte, dans toutes les pharmacies.

Envoi franco par la poste, 1.50 en timbres ou bon postal. Bruxelles : Delacre, Montag. de la Cour; Frédrix, Bd du Nord. Mons : Debrissy, Grand Place; Frédrix, rue Petite Guirlande.